

# Novčana naknada za pomoć i njegu od strane druge osobe - 65+

Pomoć licima starijim od 65 godina kojima je zbog trajnih promjena u zdravstvenom stanju prijeko potrebna pomoć i njega od strane druge osobe za zadovoljavanje njihovih osnovnih životnih potreba. Ovim postupkom se obezbjeđuju sredstva kojima finansiraju troškove angažovanja druge osobe.

**Oblast:** Socijalna zaštita

## **Nosilac aktivnosti**

- [Javna ustanova „Kantonalni centar za socijalni rad“ - Služba socijalne zaštite](#)
- Ministarstvo za rad, socijalnu politiku, raseljena lica i izbjeglice Kantona Sarajevo

## **Pravni osnov**

- Zakon o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije Bosne i Hercegovine“, br. 36/99, 54/04, 39/06, 14/09, 45/16 i 40/18); čl. 21. i 26. stav 1.
- Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“ br. 38/14 - Prečišćeni tekst, 38/16, 44/17 i 28/18); čl. 27. - 29.
- Odluka o visini koeficijenta za obračun prosječne neto plaće ostvarene u Kantonu Sarajevo u prethodnoj godini - Odluku svake kalendarske godine donosi Vlada Kantona Sarajevo.
- Instrukcija o iznosima novčanih davanja po Zakonu o socijalnoj zaštiti, zaštiti civilnih žrtava rata i zaštiti porodice sa djecom - Instrukciju svake kalendarske godine donosi ministar za rad, socijalnu politiku, raseljena lica i izbjeglice Kantona Sarajevo.

## **Uslovi za korištenje prava/usluge**

- Da podnosilac zahtjeva ima državljanstvo BiH
- Da ima prebivalište u Kantonu Sarajevo najmanje 1 godinu
- Nalaz i mišljenje nadležne ljekarske komisije o potrebi pomoći i njege od strane druge osobe
- Cenzus prihoda 264,00 KM po članu domaćinstva

## **Način ostvarivanja prava/usluge**

- Zahtjev se podnosi Službi socijalne zaštite općine u kojoj podnosilac zahtjeva ima prebivalište.
- Potreba za pomoći i njegom od strane druge osobe se utvrđuje na osnovu nalaza, ocjene i mišljenja nadležne ljekarske komisije
- Provodi se upravni postupak u kojem se utvrđuje ispunjavanje uslova za ostvarivanje prava na novčanu naknadu za pomoć i njegu od strane druge osobe.
- Podnosilac zahtjeva ima pravo žalbe na rješenje prvostepenog organa kojim nije ostvario pravo na novčanu naknadu za pomoć i njegu od strane druge osobe, kao i pokretanje upravnog spora pred Kantonalnim sudom u Sarajevu.

## **Jedinstvena cijena naknade**

- **99,00 KM**

## Period isplate

- Godinu dana, odnosno do dana revizije

**Interval isplate:** Mjesečno

## Visina davanja / cijena usluge zbirno

- 2014: **3.317.232,00 KM**
- 2015: **2.614.284,00 KM**
- 2016: **2.400.072,00 KM**
- 2017: **2.222.052,00 KM**
- 2018: **2.076.288,00 KM**

## Ukupan godišnji broj korisnika usluge / prava

- 2014: **3.031 korisnika prosječno mjesečno**
- 2015: **2.391 korisnika prosječno mjesečno**
- 2016: **2.195 korisnika prosječno mjesečno**
- 2017: **2.029 korisnika prosječno mjesečno**
- 2018: **1.888 korisnika prosječno mjesečno**

## Dokumenti potrebni za ostvarivanje prava / usluge

- Ovjereni kopija lične karte
- Uvjerenje o državljanstvu
- CIPS-ova prijavnica prebivališta
- Uvjerenje o kretanju za podnosioca zahtjeva
- Kućna lista
- Dokazi o prihodima domaćinstva
- Za djecu do 18. godina Izvod iz matične knjige rođenih
- Ostale dokaze će Služba socijalne zaštite pribaviti po službenoj dužnosti u skladu sa obavezom iz čl. 134. stav (3) i 135. stav (2) Zakona o upravnom postupku, kao i druge dokaze po ocjeni voditelja postupka neophodne za utvrđivanje ispunjenosti uslova za ostvarivanje prava.

**Rok važenja dokumentacije:** Provjera dokumentacije u cilju utvrđivanja uslova za ostvarivanje prava na novčanu naknadu za pomoć i njegu od strane druge osobe se vrši jednom godišnje. Rješenje donijeto u prvom stepenu kojim je priznato pravo podliježe reviziji. Reviziju po službenoj dužnosti vrši Federalno ministarstvo. U postupku revizije nadležni drugostepeni organ može dati saglasnost na prvostepeno Rješenje ili ga izmijeniti, poništiti ili ga ukinuti. Podaci pronađeni na ovoj stranici su ažurirani **02.12.2019.** Sadržaj ove stranice je informativnog karaktera, a detaljne informacije o pravima i uslugama možete dobiti u nadležnim službama socijalne zaštite, kao i u Ministarstvu.